

**BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK**

Broj: 07/2-11-1488/21
Bihać, 22.03.2021. godine

Na osnovu člana 140. Poslovnika o radu Gradskog vijeća ("Sl. glasnik Grada Bihaća", broj 03/16), a u vezi sa članom 52. stav 1. tačka b Statuta Grada Bihaća ("Službeni glasnik Grada Bihaća" broj 13/15 i 13/18) Gradonačelnik u svojstvu predlagача odluka i drugih akata

ODREĐUJE
za izvjestioce

na sjednici Gradskog vijeća i radnim tijelima Gradskog vijeća:

1. Dario Jurić – šef odsjeka za društvene djelatnosti u Službi za opću upravu i društvene djelatnosti

a prema prijedlogu tačke dnevnog reda:

- Odluka o raspodjeli sredstava za finansiranje i sufinansiranje sporta s Tekućeg granta za sportske manifestacije, utvrđenih u budžetu Grada Bihaća za 2021. godinu

Gradonačelnik
Šuhret Fazlić

**BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK**

Služba za opću upravu i društvene djelatnosti

Broj: 07/2-11-1488/21
Bihać, 22.03.2021. godine

GRADSKO VIJEĆE GRADA BIHAĆA
-ovdje-

PREDMET: Prijedlog Odluke o raspodjeli sredstava za finansiranje i sufinansiranje sporta s Tekućeg granta za sportske manifestacije, utvrđenih u budžetu Grada Bihaća za 2021. godinu

U skladu sa odredbama člana 35. stav 1.tačka kk) Statuta Grada Bihaća („Službeni glasnik Grada Bihaća“ broj: 13/15 i 13/18), a u vezi sa članom 140. Poslovnika Gradskog vijeća Bihać („Službeni glasnik Grada Bihaća“ broj 3/16), u prilogu vam dostavljamo prijedlog Odluke o usvajanju Programa utroška sredstava Tekućih grantova – Tekući grant za sportske manifestacije.

OBRAZLOŽENJE

Pravni osnov za donošenje predložene Odluke o usvajanju Programa utroška sredstava Tekućih grantova – Tekući grant za sportske manifestacije, sadržan je u članu 45. i člana 54. tačka (2), Zakona o sportu USK-a („Službeni glasnik USK-a“ broj: 15/10), članom 35. stav 1. tačka kk) Statuta Grada Bihaća („Službeni glasnik Grada Bihaća“ broj: 13/15 i 13/18), Gradsko vijeće u okviru samoupravnog djelokruga donosi pojedinačne i druge akte u skladu sa zakonom i statutom.

Javne potrebe u sportu za koje se sredstva osiguravaju iz budžeta Grada Bihaća su sportske aktivnosti, poslovi i djelatnosti za koje je određeno da su od značaja za sport na području Grada Bihaća, a to su:

- poticanje i unaprijeđenje sporta, naročito sporta djece i mladih,
- provođenje dijela programa tjelesne i zdravstvene kulture djece i mladih,
- djelovanje sportskih udruženja i Gradskog sportskog saveza,
- osiguranje uvjeta za provođenje treninga, organiziranje i provođenje sistema natjecanja, te opću i posebnu zdravstvenu zaštitu sportaša,
- sportsko-rekreacijske aktivnosti građana, kinezioterapijske aktivnosti, kao i druge sportske aktivnosti, koje su u funkciji unapređenja i čuvanja zdravlja i podizanja psihofizičke sposobnosti građana,
- stručni rad u sportu, obrazovna i informacijska djelatnost u sportu.

Poticanje i unaprijeđenje sporta djece i mladih smatramo iznimno značajnim, jer se preko njega prožima zajednički interes školskog i sportskog sistema u ostvarivanju zajedničkog cilja, a to je razvoj i poticanje zdravog i kreativnog načina života djece i mladih Grada Bihaća.

Stoga je pretpostavka za realizaciju postavljenog cilja suradnja škole, koja raspolaže sportskim prostorom i ima djecu zainteresiranu za bavljenje sportom i sportskog kluba, koji ima stručnjake, rekvizite i opremu za ostvarenje sportskog programa primjerenog uzrastu.

Sport u Gradu Bihaću je dio opće kulture življenja naših građana. Osim što pridonosi njihovom zdravijem načinu života, općem odgoju i obrazovanju mladih, te privrednom razvoju Grada, neosporno je da je sport zajedno s drugim društvenim djelatnostima činitelj pravičnog društva i humanijeg odnosa među ljudima u zajednici.

Bavljenje sportom što većeg broja građana, promoviranje sportskih priredbi i postizanje vrhunskih sportskih rezultata, osnovni su motivi ulaganja u sport za jednu lokalnu zajednicu, kao što je Grad Bihać.

Za realizaciju predložene Odluke o usvajanju Programa utroška sredstava Tekućih grantova – Tekući grant za sportske manifestacije, osigurana su financijska sredstva u Budžetu Grada Bihaća, na ekonomskom kodu Tekući grant za sportske manifestacije u iznosu od 35.040,00 KM.

Na osnovu iznesenog, predlaže se Gradskom vijeću Grada Bihaća, da usvoji predloženu Odluku o usvajanju Programa utroška sredstava Tekućih grantova – Tekući grant za sportske manifestacije

Obrađivač: Dario Jurić

Dostavljeno:

1. naslovu
2. evidenciji
3. a/a

Gradonačelnik
Šuhret Fazlić

Na osnovu člana 45., a u vezi sa članom 54. Zakona o sportu („Službeni glasnik Unsko-sanskog kantona“, broj:15/10), člana 35. tačka jj) Statuta Grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Grada Bihaća na sjednici, održanoj dana 2021.godine, donijelo je:

ODLUKU

o raspodjeli sredstava za finansiranje i sufinansiranje sporta s Tekućeg granta za sportske manifestacije, utvrđenih u budžetu Grada Bihaća za 2021. godinu.

Član 1.

Usvaja se Odluka o raspodjeli sredstava za finansiranje i sufinansiranje sporta s Tekućeg granta za sportske manifestacije, utvrđenih u budžetu Grada Bihaća za 2021. godinu, ekonomski kod 614 300 – organizacioni kod 01/7001000, kako slijedi:

r/b.	klub	manifestacija	plan 2021	utrošak
1.	Atletski klub“Bihać“	Memorijal Brane Verišić i dječije prvenstvo USK	500,00	Troškovi organizacije
2.	Kickboxing centar „Bihać“	21. Bihać open	1.170,00	Troškovi organizacije
3.	Sportsko plesni centar „Virus“	Plesna revija i Državno prvenstvo (2 dana)	2.340,00	Troškovi organizacije
4.	Body building klub“Viktorija“	međ. Turnir „Bihać open“	1.170,00	Troškovi organizacije
5.	Planinarsko društvo“Runolist“	Prikino pogledalo	500,00	Troškovi organizacije
6.	Tenis klub „Una gem“	Internacionalni tenis fest	500,00	Troškovi organizacije
7.	Tenis klub „Una gem“	Usk openn	500,00	Troškovi organizacije
8.	Košarkaški klub“Bosna XXL“	Memorijal „Rijad Pašagić“	1.170,00	Troškovi organizacije
9.	Moto klub „Stara karabaja	Moto susreti	1.500,00	Troškovi organizacije
10.	Aero centar „Panorama“ i Aero klub „Bihać“	Međunarodno takmičenje u padobranstvu i preciznom slijetanju	2.500,00	Troškovi organizacije
11.	Klub ekstremnih sportova „Limit“	Biciklistički maraton Bihać-Srebrenica	3.000,00	Troškovi organizacije
12.	Udruženje Fenix	Streetball turnir	1.000,00	Troškovi organizacije
13.	Rekreativno biciklistički klub“Japod“	Biciklijada „Nacionalni park“	500,00	Troškovi organizacije

14.	Odbojkaški klub „Bihać“	XVII Memorijalni odbojkaški turnir	1.170,00	Troškovi organizacije
15.	Judo klub „Una“	Međunarodni judo kup	1.170,00	Troškovi organizacije
16.	Košarkaški klub „Željko 1971“	Međunarodni „Una cup“	1.170,00	Troškovi organizacije
17.	USR „Una“	Svjetsko prvenstvo	1.000,00	
18.	Fly fishing klub „Una fly“	Una open	500,00	Troškovi organizacije
19.	Košarkaško invalidski klub „Una-Sana“	Međ.turnir košarka u kolicima i NLB WHEEL liga	2.340,00	Troškovi organizacije
20.	Karate klub“Jion“	Internacionalni kup prijateljstva-dva dana	2.340,00	Troškovi organizacije
21.	Konjički klub “Jedinstvo“	Memorijal Mustafa Vuković	1.000,00	Troškovi organizacije
22.	Konjički klub „Jedinstvo“	Memorijal Alija Izetbegović	1.000,00	Troškovi organizacije
23.	Brdsko biciklistički klub “Daj krug“	Državno prvenstvo UPHILL	500,00	Troškovi organizacije
24.	Brdsko biciklistički klub “Daj krug“	Međunarodna biciklijada „Stazama rijeke Une“	500,00	Troškovi organizacije
25.	Brdsko biciklistički klub “Daj krug“	XCO Premijer liga BiH	500,00	Troškovi organizacije
26.	Nogometna škola “Kolibri“	Kolibri cup	500,00	Troškovi organizacije
27.	Šahovski klub “Bihać“	Od kina do benzina	500,00	Troškovi organizacije
28.	Šahovski klub „Bihać“	Državno prvenstvo za kadete i juniore	500,00	Troškovi organizacije
29.	Sportsko društvo „Ultra“	Ultra trail utrka	500,00	Troškovi organizacije
30.	Nogometni klub „Metalac“	Dan dječijeg nogometa	500,00	Troškovi organizacije
31.	BBK „Daj krug“ i Biciklistički savez BIH	Balkansko prvenstvo XCO olimpijski kros	3.000,00	Troškovi organizacije
	UKUPNO:		35.040,00	

Član 2.

Nosioci obilježavanja sportskih manifestacija, dužni su uz zahtjev za doznačavanje finansijskih sredstava iz Budžeta Grada, dostaviti Program za obilježavanje manifestacija s finansijskom konstrukcijom troškova manifestacije.

Član 3.

Nosiocu realizacije sportskih aktivnosti izvršit će se doznačavanje finansijskih sredstava na osnovu podnijetog zahtjeva s Programom, a u skladu s članom 1. ove Odluke.

Član 4.

Isplata iz člana 1. ove Odluke teretit će sredstva u razdjelu 01/7001000 – Služba za opću upravu i društvene djelatnosti, Budžeta Grada Bihaća za 2021.godinu, ekonomski kod 614300 TG neprofitnim organizacijama – TG za sportske manifestacije.

Član 5.

Postupak raspodjele sredstava za sportske aktivnosti vršit će Služba za opću upravu društvene djelatnosti i Služba za finansije, na osnovu zaključka Gradonačelnika kojim se utvrđuje visina odobrenih finansijskih sredstava.

Član 6.

Zadužuju se korisnici sredstava iz člana 1. ove Odluke, da Službi za opću upravu i društvene djelatnosti i Službi za finansije Grada Bihaća dostave Izvještaj o utrošku doznačenih sredstava.

Član 7.

Ova Odluka stupa na snagu osmog dana od dana objavljivanja u „Službenom glasniku Grada Bihaća.“

Predsjedavajući Gradskog vijeća
Zulfikar Handukić

Gradsko vijeće
Broj:
Bihać,